



Broj:18.7.3-16.4-6- 11 /17
Datum: 25.05.2017. godine

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09), člana 22. stav 1. Zakona o Službi za poslove sa strancima („Službeni glasnik BiH“, br. 54/05 i 36/08), direktor Službe za poslove sa strancima, d o n o s i:

O D L U K U

Član 1.

Okvirni sporazum se dodjeljuje drugorangiranom ponuđaču, na osnovu kriterija najniže cijene, u konkurentskom postupku javne nabavke usluga obaveznog osiguranja, kasko osiguranja vozila Službe i putnog zdravstvenog osiguranja uposlenika prilikom odlaska na službeni put u inostranstvo i to:

- „Bosna sunce osiguranje“ d.d. Sarajevo sa ukupnim iznosom ponude 17.036,60 KM.

Član 2.

Ponuda ponuđača iz člana 1. ove Odluke zadovoljava sve uslove utvrđene u tenderskoj dokumentaciji i sadrži prihvatljivu cijenu za usluge obaveznog osiguranja, kasko osiguranja vozila Službe i putnog zdravstvenog osiguranja uposlenika prilikom odlaska na službeni put u inostranstvo.

Član 3.

Ponuđaču iz člana 1. ove Odluke, Okvirni sporazum će biti dodjeljen u skladu sa elementima ponude, te uslovima i kriterijima utvrđenim u obavještenju o nabavci i tenderskoj dokumentaciji.

Član 4.

Za realizaciju ove Odluke zadužuje se Sektor za administraciju Službe.

Član 5.

Ovom Odlukom stavlja se van snage odluka broj: 18.7.3-16.4-6-11/17 od 15.05.2017. godine kojom je dodjeljen Okvirni sporazum ponuđaču „OSIGURANJE AURA“ a.d. Banja Luka za usluge obaveznog osiguranja, kasko osiguranja vozila Službe i putnog zdravstvenog osiguranja uposlenika prilikom odlaska na službeni put u inostranstvo.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o provođenju procedura javne nabavke za usluge obaveznog osiguranja, kasko osiguranja vozila Službe i uposlenika prilikom odlaska na službeni put u inostranstvo broj: 18.1-16.4-6-1/17 od 04.04.2017. godine i proveden je po proceduri konkurentskog postupka u skladu sa Zakonom o javnim nabavkama („Službeni glasnik BiH“ broj 39/14) i podzakonskim aktima.

Tenderska dokumentacija i obavještenje o nabavci objavljeno je na portalu javnih nabavki, broj obavještenja: 1420-7-2-13-3-10/17 od 11.04.2017. godine.

Poziv za preuzimanje tenderske dokumentacije upućen je na adrese tri potencijalna ponuđača.

Komisija za javne nabavke Službe, nakon isteka krajnjeg roka za dostavu ponuda izvršila je otvaranje i evaluaciju ponuda i predložila je da se, na osnovu kriterija najniže cijene, za najpovoljnijeg ponuđača po konkurentskom zahtjevu za usluge obaveznog osiguranja, kasko osiguranja vozila Službe i putnog zdravstvenog osiguranja uposlenika prilikom odlaska na službeni put u inostranstvo, izabere ponuđač „OSIGURANJE AURA“ a.d. Banja Luka.

Odluka o izboru najpovoljnijeg ponuđača dostavljena je svim ponuđačima, a od najpovoljnijeg ponuđača traženo je dostavljenje dokumentacije po članu 45. stav (2) Zakona o javnim nabavkama.

Ponuđač „Osiguranje Aura“ a.d. Banja Luka u traženom roku dostavio je dokumentaciju koja je tražena tenderskom dokumentacijom, a u skladu sa članom 45. stav (2) ZJN.

Drugorangirani ponuđač „Bosna sunce osiguranje“ dana 18.05.2017. godine tražio je uvid u ponude svih ponuđača i isti je izvršio dana 19.05.2017. godine.

Žalitelj „Bosna sunce osiguranje“ dana 23.05.2017. godine uložio je žalbu na Odluku o izboru najpovoljnijeg ponuđača broj: 18.7.3-16.4-6-11/17 od 15.05.2017. godine.

Ugovorni organ je Rješenjem prihvatio žalbu ponuđača „Bosna sunce osiguranje“ d.d. Sarajevo kao osnovanu.

Pouka o pravnom lijeku: Žalba se izjavljuje Ugovornom organu u pisanoj formi u tri primjerka neposredno, elektronskim putem ili preporučeno poštom u zakonskom roku.

Dostavljeno:

- svim ponuđačima
- Sektor za administraciju
- a/a


DIREKTOR
Stobadan Ujić